

E whakautu ana tēnei whārangi i ngā pātai hira hei pātai, he aha ngā tuhinga e hiahiatia ana, ā, me aha ā muri ake mō te hunga e whakaaro ana ki te whakatū rōpū ohaoha me ngā rōpū hapori.

Me tīmata e au he rōpū hou?

He whakapau wā, moni me te rawa tētahi whakahaere. I mua i tō whakatau ki te tīmata i tētahi rōpū hou, me pātai ki a koe anō:

- ▶ Kei reira anō ētahi rōpū ohaoha ka taea e au te mahi tahi? [Rapua te Rēhita Rōpū Ohaoha](#) ki te kimi rōpū ohaoha e mahi ana i ngā mahi ōrite kia kore ai e tāruaruatia.
- ▶ Kei reira anō ētahi atu ara e oti ai taku kaupapa? Me rapu mōhio anō mō [ngā pūtea a te kaitautoko me te mahi tahi me tētahi kaupapuri pūtea](#) ki te kawē i ngā mahi pai i roto i te hapori.
- ▶ Kei te tika aku tāngata kei roto? Me rerekē ō momo tāngata e mārāma ana: me pēhea te whakahaere rōpū, [ngā whakaritenga tuku pūrongo me ngā herenga o te noho hei rōpū ohaoha](#).

Hanganga ture

Mēnā ka whakatau koe ki tīmata i tētahi rōpū, me whakatau koe he aha te momo hanganga ture ka whakatūria e koe. Kua whakaritea e mātau he [hui tuihono mō ngā hanganga rerekē](#) hei āwhina i a koe ki te whiriwhiri i ō ara. He rauemi pai anō te [Kete Rauemi Hapori](#) me te [Aratohu a Community Law](#) hei āwhina i a koe ki te whiriwhiri. E tuku mōhiohia a Te Puni Kokiri mō [ngā hanganga mā ngā whakahaere Māori](#).

Ngā ture

I muri iho, me tuhi e koe he tuhinga ture – e mōhiohia anō ko tētahi tūtohinga, papature rānei. Me ū tō [tuhinga ture](#) ki ētahi [whakaritenga kia kīia ai he rōpū ohaoha](#).

Ngā mōhiohia whaitake:

- ▶ Ka taea e ngā Tarahiti Rōpū Ohaoha te whakamahi te [Papature Tarahiti Rōpū Ohaoha Tauira me te Aratohu ki ana Whiti](#). He tauira tēnei ka taea e koe te tikiake me te whakatika.
- ▶ Ka taea e Ngā Manatōpū te whakamahi te [Hanga Turepapa – he utauta tuihono ‘ka mahia e koe anō’](#) mō te tuhituhi, te whakahou rānei i ngā ture o tō rōpū.
- ▶ Mēnā e hiahia ana koe i te tūnga kaiwhiwhi me Te Tari Taake, me mātua whakarite ngā ture a tō whakahaere ka whakamahia te [katoa, te nuinga rānei](#) o ana pūtea mō ngā kaupapa ohaoha i Aotearoa. Rapu mōhiohia anō ki te [paetukutuku a Te Tari Taake](#).

Te Whakatōpūtanga

Mēnā ka whakatau koe ki te whakatōpū i tō rōpū (hei rōpū manatōpū, tarahiti, kamupene rānei), me tonu koe ki te [Tari Kamupene](#) i mua o te tonu ki te rēhita hei kaupapa aroha. Pānuitia tā mātau rangitaki kia whiwhi mōhio anō koe mō te whakatōpūtanga.

- ▶ [Rēhita Tarahiti Rōpū Ohaoha](#)
- ▶ [Rēhita Manatōpū](#)
- ▶ [Rēhita Kamupene](#)

Ka tohua aunoatia ngā whakahaere kua manatōpūtia ki tētahi Tau Pakihi o Aotearoa (NZBN) whai muri i te rēhita ki te Tari Kamupene. Mēnā kāore koe i manatōpūtia, he māmā noa te tonu i tētahi NZBN mō tō whakahaere mō te koreutu mā te [paetukutuku NZBN](#). Pānuitia tā mātau [rangitaki mō ngā mea me mōhio ngā rōpū ohaoha mō te NZBN](#).

Me whai anō koe i tētahi tau Tau Taake. Ka taea e koe te [rapu kōrero atu mō te tukanga i runga i tā rātau paetukutuku](#). Ko ēnei mōhiohio mā te hunga e hiahia ana koe ki te whakatū i tētahi rōpū hapori. Mēnā he rawa nui āu, ā, e whai ana ki te whai whenua, te whai kaimahi rānei, e tūtohu ana mātau kia kōrero koe ki tētahi rōia.

Ina whiwhi koe i tētahi tuinga ture me te whakatau kia whakatōpūtia, ka āhei koe ki te whakatau mēnā e hiahia ana koe ki te tonu kia rēhita hei rōpū ohaoha mā te tiroiro ki [ngā painga me ngā herenga o te rēhita](#) me [ngā whārangi te whakarite ki te rēhita](#).

Ngā rauemi whaitake

▶ Kete Rauemi Hapori

Ko te [Kete Rauemi Hapori](#) he rauemi matawhānui nā [CommunityNet Aotearoa](#). He aratohu mō te whakatū me te whakahaere rōpū hapori i Aotearoa. He mea hanga mō ngā rōpū hapori, tūao, iwi/Māori hoki, ā, he whaitake mō tō rōpū mana whakahaere, ngā kaimahi me ngā kaitūao. Kei roto ko: Te Tīmata, Whakarite Mahere, Ngā Hanganga Whakahaere, Mana Whakahaere, Ngā Kaupapahere, Ngā Hui, Whakahaerenga Pūtea, Tiaki Pūkete, Rapu Pūtea, Whiwhi Mahi me Ngā Whakawhitiwhiti Kōrero.

▶ NZ Navigator

He utauta aromatawai-whaiaro koreutu a [NZ Navigator](#) i hangaia mā ngā rōpū hapori. Ka taea e koe te whakamahi hei tātari i ngā kaha me ngā ngoikoretanga puta noa i ngā wāhi rerekē e iwa – te ahunga, mana whakahaere, kaiārahi, ngā tāngata, tari whakahaere, ngā pūtea, whakawhitiwhiti kōrero, arotakenga, me ngā hononga. Ina tutuki i a koe tētahi aromatawai, ka imērahia atu he pūrongo matawhānui ki a koe me ngā whakaaro me ngā rauemi (me tētahi mahere mahi) hei āwhina i a koe ki te hanga i tō rōpū.

Ētahi atu rauemi whai kiko

- ▶ [Ko te CommunityNet Aotearoa](#) te pokapū tuihono nui rawa i Aotearoa me te whakarato i ngā tūmomo rauemi whaitake hei whakapakari ake i ngā rōpū me ngā hapori.
- ▶ [Ka whakaputaina e Community Law New Zealand Te Kete Taonga Hapori](#) – he rauemi ture whaitake. E aro ana ki te hunga e whakarite ana ki te whakatū i tētahi rōpū hou (kei te tiro tiro rānei ki te whakahou i te hanganga) me te tuku mōhiohio mō ngā mana ture me ngā paiherenga.
- ▶ [E whakarato ana a Ihi Aotearoa](#) i ngā rauemi mana whakahaere rawe hei āwhina i a koe ki te whakahaere i tō rōpū. E tuku ana rātau i tētahi [akoranga mana whakahaere tuihono koreutu](#) hei whakawhānui ake i ō mōhio mana whakahaere. Mēnā kei te hiahia koe i tētahi mea poto ake, tirohia [Ngā Mōhiohio Mana Whakahaere Poto](#).
- ▶ [He maha ngā rauemi rawe a SocialLink](#) e wātea ana kia tīkina ake. E kapi ana ēnei i ngā take pērā i te [i te hanga mahere rautaki](#), [whakahaerenga pūtea](#), [mana whakahaere](#) me te [hauora me te haumarū](#).
- ▶ [E tuku ana te Wheelhouse](#) i ngā mōhiohio, tautoko, tohutohu, me te whakangungu e puta ai ngā ihu o ngā rōpū.
- ▶ [E tuku ana a Creative New Zealand](#) i ngā kete taonga, ngā awheawhe, hui tuihono me te whakangungu, he whaitake mō ngā rōpū katoa engari e aro ana ki ngā toi.
- ▶ [E tuku ana te Institute of Directors Not-for-Profit Hub](#) i ngā kohinga rauemi, ngā tuhipānui me ngā aratohu mō ngā rōpū huamoni-kore.



Kei te hiahia āwhina tonu?

[Me tāpui he hui takirua](#) kia pai ai te kōrero ki a mātau mā runga waea, kōrerorero ataata (Zoom) rānei.



Whakapā mai

Waea: 0508 CHARITIES (0508 242 748)
Īmēra: info@charities.govt.nz